

大漢人
 厚詩錄






序

卷之四 詩錄序

乾隆丁未會試後余在京師松筠菴過夏同寓諸君皆年少氣盛喜上下議論獨時塘張君與菴主澹雲相對靜坐終日不一言讀其規友詩有譚天漫衍雕龍技心地先收汗馬功之句肅然異之遂與訂交既申之以昏媼交情逾篤雖出處各殊而睽離合併悉見於詩晚歲家居酬唱益密似以余能知君詩者君歿三年子光熊以存稟乞勘定余維君作吏時不務赫赫名歸田後絕不一言涉政事歿後民益思形之歌詠建祠以祀迹其生平皆無所爲而爲故不欲以政事傳而傳益著其爲

大滌山房詩錄序

一

詩也猶是耳君蚤歲遊京師詩名傳在人口一篇出聽人取去不自存稟往君下榻易畫軒譚詩至夜分不輟曾勸君手定其稟君以少作散佚已多壯歲一行作吏此事幾廢他日儻欲攷鏡生平當酌存數卷爲雪泥鴻爪觀母事推敲也然卒數年迄未見編次遺命諸孤勿亟亟以詩文行世嗚呼君凡事不自表暴於此可見今存稟盈尺皆於殘編敗篋中輯錄得者而當日膾炙人口之作已皆不存余旣銘君墓校勘其集亦後死責也存稟篇什頗富茲前後量存錄十之三四爲八卷非云去取亦體君昔日之志使讀者藉攷其本末若全集

之梓待諸將來君名已列循吏非欲與騷壇角勝者然
可傳者自在他日當與政事並垂不朽也回憶宣門舊
雨或顯或晦久成陳迹畱余空山一叟數此晨星不勝
今昔之感點校既竣用識數語以誌交情梗槩云
道光壬辰春二月崑山王學浩謨時年七十有九

大滌山房詩錄序

序

往予於乾隆己酉之歲計偕下第留京夏課寄居宣武門外松筠精舍與張子迪民近在比鄰晨夕過從修茗岑之好維時江西劉君金門西蜀張君船山皆以公車在京意氣相投無間也其後二十年中宦轍分馳忽離忽合金門嘗謂人曰子測交矣人甚夥所至死不變者惟張迪民與石執如兩人耳嘉慶中子與迪民先後歸田結社吟詩無旬日不相見見必清譚移晷迪民好佛書精通禪理嘗云世人沈溺於名利之場皆因我相存於心耳子曰公止此一語已得金剛三昧又述蓮池大

大滌山房詩錄序

三

師之言曰世人官輿濃則去官時難過生趣濃則去世時難過故常以放下二字懸於座右旨哉斯言其平生所存可知矣往有人問船山作詩法船山曰且讀佛書或徵其說曰讀佛書則識解自超人未有識解不超而能詩者也以此語印證迪民之詩乃得其髓矣今二三故人皆歸道山惟予一老羶然尙存收拾茂陵遺書此後死者之責也船山之詩予久授諸梓行世矣頃編校金門之集甫竣事適迪民之令子光熊持其遺集屬予校定因爲刪繁就簡裒成一編而題數語於卷尾以歸之

道光癸巳春三月吳縣石韞玉撰時年七十有八



大滄山房藏書

四

大滄山房藏書
吳縣石韞玉撰
光緒二十八年

皇清崇祀名宦文林郎浙江餘杭縣知縣張先生行狀
先生諱吉安字迪民一字樹堂號蒔塘晚號石牛居士
姓張氏系出清河先世自浙東龍游遷蘇之崑山明萬
曆中諱恭揚者由崑徙吳遂世爲吳縣人曾祖震遠國
學生孝悌率於家庭忠信著於鄉黨祖鵬乾隆壬申

恩科舉人不求仕進教授里中當事者重其名延主平
江書院講席請業者踵相接長育之盛詳具郡志學者
稱楚門先生考王茂視躬勵學蘊蓄深醇先生幼端穎
孝廉公授以經史卽通大義五歲妣范孺人沒哀慟如
成人祖妣朱太孺人撫之寺鐘初動趣起入塾年十七

行狀

遊京師時嚴公福陳公初哲在詞館皆孝廉公門下士
先生從之遊故學問文章俱有根柢舉乾隆丁酉科順
天鄉試年未冠也自戊戌迄乙卯九試春官屢薦不售
先生之銳志進取冀遂祿養也至是家益貧舟車南北
費不給遂客都門藉館穀奉甘旨於功名得失泊如也
最後館於宿遷劉氏有京邸故人薦先生主講宿遷書
院先生聞前主是席者藉以養母因辭之其審義舍利
固已定志於食貧勵學時矣乙卯挑發浙江以知縣用
是時浙省大吏方稽倉庫急彌補以定殿最雜流之吏
競務之有丞簿攝縣事數月彌補至累萬者先生歎曰

使爲民上者專以培克爲能豈爲國保民之道力陳其弊大端以休養生息爲無形之彌補庶有裨於治上官或躓之而多議其迂者久之委攝丞事尋通判杭州時秦司寇瀛觀察浙西善先生若有宿契者與談政治得失秦公喟然曰君他日循吏儒林必兩兼之矣先生自知懇直不諧於俗欲改官教職方伯汪公謂之曰君刻意求儒術之效盍見之政事嘉慶丁巳攝宰淳安先生曰此海忠介舊治也下車卽謁祠下召父老詢疾苦教以孝弟民多興起者會海上戒嚴是秋調攝象山象山爲甬東瀕海地民利魚鹽海盜藉以輸穀且爲嚮道由

行狀

二

南田大佛頭山而入故閩浙舟師多集縣之石浦先生莅事嚴米穀出洋之禁革船埠商漁之稅使民不通盜舟師乘之不數月獲盜無筭先生親鞫之無枉無縱盜亦漸弭時李忠毅長庚督兵海上歎曰牧令盡如張象山盜不足平也先生又嘗建議南田居大佛頭山之下爲海中大洲明初信國公湯和棄滬洲并此封禁恐爲盜藪也今承平日久會哨僅爲具文宜申封禁之令至外洋非山直對日本爲海道要衝番舶所經象山踞定海上游爲第一門戶則石浦昌國兵力宜厚請添設官弁庶防患未形其後卒如先生所議軍工廠檄取樟木

爲戰艦縣符下奉行不善卽滋民累亦條列其不便於民者上之當事其年颶風傷禾請緩賦以蘇民困尋以遣犯脫逃鐫級先生曰以微罪弛擔吾修初服矣有到家詩云我本酸寒貧到骨不因官罷始囊空蓋紀實也久之重入京師己未復原官冬十月之浙攝篆新城今節相儀徵阮公時爲浙撫是歲

仁廟親政綱紀維新阮公明於察吏先生之攝新城也阮公甫莅浙首邀委任新城地偏於錢江之右倉設省城民以金輸官爲購米官旣多取丁亦效尤其故事也先生至丁無需索民急全輸蓋賦於民者不及舊時十

行狀

三

之七也阮公欲覘先生設施至是大爲稱許士民至今思之庚申四月莅永康任先生幼讀陳龍川先生集慕其爲人今得官其地喜甚爰摹象泐之祠壁以誌景仰每於公暇與士子論文講學若師弟然於撫字寓催科於農桑行教化編保甲勤聽斷莅官逾旬循聲遠達六月靈雨爲災蛟水猝發鉅石陡從山巔隨流竝下平地水深盈丈田廬蕩然先生目擊瘡痍怒然已溺設廠棲流煮糜分哺或擔粥就人或舟載餅餌以濟之浙有偏災鮮言賑者先生以民困已深不暇顧及成例急達民隱牒陳如繪不待報可己查戶撫卹給以冊房修費民

免轉徙資以棺槨掩埋野無暴露同官以違例爲言先生曰救民獲罪吾亦甘之方伯果斥其張皇先生方驅馳四郊按戶盡散之不顧也監司行縣見災黎安堵詰先生意謂災非至重殊不知災祲重在山陬僻壤而民感先生之誠靜以待賑也先生力言蛟水甚於隄決漫溢今水從山下先事無防監司終執水荒一綫之說民情大譁幾激他變微先生其殆矣幸阮公素知先生愛民足恃以賑撫入請郡守巖公榮同心共濟全活無筭田之冲坍者除其賦餘可墾復者給以工本貸以籽種俾及時耕作又慮常平存穀盡數濟賑則來年無備請

行狀

四

運義倉穀石給賑且以應賑戶口銀米之數榜示通衢杜胥役侵欺也自夏徂冬積勞得疾先生心在救民不已邨也是冬代者至大府慮其與民未習展賑諸務仍檄先生理之辛酉三月始得息肩去之日無膏秣資乘扁舟以行士民扶老攜幼填塞道路賦詩祖餞百餘里不絕有泣下者是年處州旱其屬麗水尤甚水祲未蘇繼之以旱民情皇皇郡縣告急上官議非素能任事得民者不足以撫馭於是首推先生時已赴衢州讞獄檄趣晉省及見諸大吏均謂先生辦荒有能擬移善地今復任以瘠區若歉然者蓋知先生積勞甚也先生慨然

曰設官以牧民但期有濟敢計勞逸較優劣哉遂取道
婺郡之任永邑士民聞之絡繹遠迎攜壺提榼者相望
於道晚宿行館遠鄉老穉爭來仰見顏色爲快有攜棗
粟以獻徹夜不絕先生勞而遣之有永康道中感懷之
作今載之集中麗水間先生至民大慰下車日禱於神
甘雨立沛民感靈雨之降轉歉爲豐羣歌來算焉先生
亦以斯民之易於感化也樹蓄之事孝弟之理爲之擘
畫講說鄉曲蓋夫亦踊躍興起矣時行阡陌勉其勤農
功敬長上終任不較賦而輸將如額暇則建文昌宮修
秦淮海祠民樂而趨之處州地廣多山有事於縣者在

行狀

五

返失時先生旬日輒一期於近寺而詛釋之嘗宿碧湖
寺有句云吏散靜如僧退院官閒夢與佛同龕蓋實錄
也明年夏六月復大旱山田難施桔槔先生撒蓋徒步
禱烈日中憂甚得疾聞永嘉貢生童中謨有禱雨術迎
聘之童至見先生病甚而齋素禱神敬肅不怠因謂先
生曰早象已成天災也言未已先生泣下童曰人定勝
天君精誠愛民若是宜可感召當爲君禱之旣而日十
六日未時雨可得至期烈日如故各官且至壇午後雷
電交作大雨如注四境霑足民情大洽當童之初至也
同官或議其妄至是上下翕然不多童術之神而服先

生感召之誠也時李中丞鑾宣方官溫處分巡道儒吏也雅重先生月必手書往復以著述互相商訂贈先生詩有治民以經術循吏卽詩人之句故先生宦遊篇什於枯蒼爲多癸亥正月大府急檄先生至省星夜兼馳途遇同官之自省來者方知浦江連年水旱民艱於食不逞者藉災騷動伐木劫穀官未卽治衆鳴金號於市曰某日伐某墓木某日劫某家錢穀鄰邑煽動人心皇皇將檄先生往治抵省謁大吏促卽日行先生起立曰兩年失定省敢乞一日假阮公惻然者久之麗水距省遠封公艱於就養畱眷屬侍奉久寓省垣也先生又

行狀

六

言除暴不憚於嚴救荒首重者米浙西上年豐收請以各邑存倉兵米濟浙東急民食足而人心自定阮公許之令先生便宜撫綏次晨扁舟迅駛湖義橋達諸暨卽入浦江境立擒暴之尤者嚴懲之民間先生威德稍定先生懸榻於衢略云繩以法罪不容誅原其情皆屬鄉愚果能痛改予以自新不旬日首惡旣除餘黨解散鄰邑間風跽伏若無事然乃運米糶且賑民忘其災邑以大和暘雨應時二麥有秋民相慶於途曰微張侯室家墳墓且不保安得復享豐稔之福鄰邑亦感而和之先生爲治首重慈惠獨於治浦先濟以猛因時制宜識綏

急也浦江士風醇謹禮教易行得先生久官之當不僅以弭難稱於時惜可爲而不及爲是冬授餘杭縣知縣先生前此歷攝浙東各邑席不暇暖且以永康賑事見知於上官後輒以災區委任心力交瘁至是卽眞距家近迎養二親於官梁學士同書額其堂曰潔養美之以南陔白華詩也其牧民也訪種植之宜講溝洫之利先生曰民可使之富必先使之義當以聽訟始今案牘日積愚民好爭訟師取利且有縣斷已平而狡者輒飾詞上控此訟獄之未易清抑治獄者誠未孚耶於是分期編審日坐堂皇隨事化導諭以訟則終凶之義懲訟師

行狀

七

數人其有山場爭界者窮厓山谷亦親歷之旣明且誠訟遂少止甲子春多雨米價騰踊旣請糶倉穀矣旋有官運川米赴江浙糶價秋成購米運京者或慮勞費爲累率以豐稔可望母需運糶爲辭先生曰鄰邑以艱於領運爲慮其累小惠不及下其害大籌民食者不宜憚煩卒運之計得五千石民食以足而近邑臨安等市價亦平學校就圯倡修崇煥課生童甲乙之拔其尤者刊行之以式多士邑有塔廟峙巽方形家以爲一邑文風所繫與紳士謀修復之自是秋闈果多雋者邑志不修已百餘年先生謂此文獻所徵資以爲治者諒之邑紳

延名宿輯之視舊志加精覈焉乙丑浙西夏雨傷禾大吏請帑煮賑鄰邑但於近城設厰先生以四鄉路遙暑暘憚於遠涉飽何能均請以所發銀七千兩就七十三莊勻給之擇里之長厚者司其事出榜示數使民周知復聽有力者出財以爲勸分佐不足大府趨之一聽所爲其後他邑或以攤擠傷人或以男女雜沓生事羣服先生處事之周澤民之實也邑多名迹次第修復重建洞霄宮一菴以祀蘇文忠此其一也在官久與民習因公下鄉屏儉從乘山輿宿僧舍蔬食布被自忘其爲官民亦忘其爲官也聽訟畢與論家常周知民隱故民不

行狀

八

敢欺投牒者反復詰訊詞窮者斥之應質者量遠近示訊期有不待役傳者安貧保富俗以大和訟獄衰息士民環植花柳於公庭以當甘棠之樹先生有詩紀之自題堂柱云不沽名敢不顧名斯言宜佩無廢事亦無喜事我職當修可以見先生之爲政矣洪太史亮吉訪先生於署齋賦詩云蹤迹敢求忘世侶艱難今見濟時才梁學士同書贈聯亦有甬填冰雪面改風塵之句皆聞載道之碑以言也是時官資旣深循聲久著上官欲爲改繁報最先生以官民相得政簡足以娛親固辭之不知先生之志度地之宜因民之利有深意焉其初莅也

值甲乙兩年收穫中稔惟以拊循爲治旣而連歲豐登
興利去害已見官民一體之效復思興百世利惠民於
無窮也邑之南湖匯天目萬山之水以湖爲蓄蓄使無
直瀉則下游之嘉湖二郡旱潦有備不僅杭州一郡之
利迺自明及今淤者過半先生之意圖開濬者久矣思
動官錢則虞不繼欲資人力又慮擾民謀之數年得燒
輒法使泥去湖深而民亦得資其利己巳夏召匠設審
試之輒成適於用上之大吏大吏是其議惟須築隄設
壩輒始可達外河有議設壩恐隄決爲下遊害者有拘
形家言謂不利者適封公病先生乞養志決事遂寢數
年籌度將利民於久遠迺尼之者衆卒未能竟其志識
者惜之先生亦終其身若負疚然者受替時猶以濬湖
要略詳告後令冀有以繼之愛民之心可謂誠且切矣
是年恭遇

行狀

九

覃恩請贈祖封父如其官當封公疾先生湯藥必親憂
思困憊以家有弟例不得終養請乃引疾告故事收令
以疾去者大吏當察其治迹阮公稔先生以清慎勤能
聲名素好列考具疏以

聞其去也民不忍其行臥輒攀轅如去永康時旣而空
邑出送先生亦以久官其地視野橋邨舍戀戀若故鄉

見送者環泣亦爲之淚下也九月歸里老屋先已讓弟卜宅城南之盤谿得名醫治封公疾稍瘳惟不良於行昇以籃輿先生侍於側周歷釣遊地具酒食與親族讌笑爲歡十二月封公疾劇遂不起居喪哀毀如孺子辰夕輿泣明年冬卜葬如禮墓在深山先生居塚側負土種松手經營焉先生清操自勵家無長物嘗語諸子我未冠遊於外九試禮部無舟車資藉館穀贍家不足則賴汝母十指中歲得一官幾以憑直躓回思曩事瀕於死者數矣丁未會試號舍疾作仗良友以生乙卯銅山途次驟病遇神醫不死宦海之困莫甚永康拯災力小

行狀

十

任重幾致智竭畢命賴上官賢得有今日茲得還守家園惟知壹意奉親不能爲汝等計矣其時繼妣范太孺人年近七旬先生已無意出山又一年家日艱有里中謝氏昔曾延先生教讀至是延課其孫先生欣然往論學不倦明年鐵嶺宋公如林來守松江與先生同歲生同官於浙者以纂修郡志招先生後又延主南匯景賢講席先生貧而好施有待以舉火者人謂宋公知先生也先生閱課繩削講貫如訓子弟以成宋公教士之惠其後主講虞山一如在南匯景賢時也先生去官久舊治士民思之歲時踵門起居不絕里人遊浙者道經其

地爭來詢先生安否告以無恙則交相稱慶道光癸未
新城大令吳君塘徇紳士請招先生纂邑志設局集賢
館其地爲先生舊治賓至如歸紳士招遊名山古剎補
宦遊所未及閱羅昭諫集有見之全唐詩唐宋詩醇及
各家選本而本集失收者補錄而歸諸其裔孫偶遇鄉
民劇談往事有唏噓感歎或攜尊酒隻雞以獻去後之
思人以爲難先生歸田後猶藉筆耕時作近遊是時太
孺人年益高不復出遊矣與里中耆舊結問煤社月以
詩會後進問業乞詩者盈門必如所欲與之客至具雞
黍譚終日無倦容丁亥歲除太孺人以壽終先生年七

行狀

十一

十矣白首搶呼哀如腹出自此病與毀俱小祥之奠哭
甚哀喘咳氣逆病五日遂逝時道光己丑正月三日卯
刻也未沒前數日夢輿蓋來迎疾革前一日若假寐者
侍疾者驚呼先生張目曰頃夢至永康耳我明日卯時
始行嗚呼生旣勤民沒而爲神若柳州羅池可徵也遠
近聞先生喪莫不悼傷舊治士民相率巷哭或束芻遠
輿或飯僧佛舍歌詩以挽者積而成帙先生無嗜好惟
期利人喜讀張仲景書以爲窮而在下惟此可以活人
旣入官與民休戚早作夜思侃侃直言罔知顧忌官永
康時處州鎮遣官齎餉經縣山水驟至人銀漂失上官

責償先生以事出天災非關人力逕請大府上
聞免償弁役亦蒙

恩卹官麗水時以處郡十邑皆瘠土請免辦公捐款時
雖未允後竟行之浦江民娶妻七月生子族訟之官引
梁東昏宮吳淑媛事先生訶曰汝能讀史亦知邑志有
宋文憲耶檢學士傳示之亦妊七月而生訟遂息任餘
杭日有郡民遣僕攜資乘舟過縣甫達岸號呼失金自
投於河引出訊之無端緒檢僕身失胥繫乃親至水滸
令善泅者獲金於水羣以爲神上官以他邑案屬之多
所平反鄰邑之民且有呈乞臺司願就先生判決者然

行狀

七

先生雅不欲以治獄見長惟以禮教爲急所至訪求學
行卓識之士以禮先之徵其地之先哲拜其遺像讀其
遺書使人知向方邑試識拔類多寒畯資以膏火奮發
者衆聽訟必導民以孝悌教士則訪其土俗利弊故猝
遇束手事從容治之咸得其理其居鄉也非公不履公
庭封公之歿先生哀慟泣血三年脣不見齒撒吟詠絕
遊讌繼妣之喪養親事終身亦隨之在官分俸於弟姪
居家月以賣文錢資之周卹親族盡力乃已妹適吳氏
貧而寡歲時饋問不絕先生疾亟弟來執手悲甚見其
老也以自營生曠讓之弟婦先沒遺命爲之營葬族黨

節婦皆爲表揚停棺未葬爲之卜地自奉食無兼味子婦烹鮮以進必畱以待客一裘數十年雖敝勿易也而理所當爲者雖多金不惜先生之老屋所稱瑞麥堂者屋宇深邃族姓同居者二百年矣向以臨街者賃諸市歲取其值分授子姓先生應受者久推之弟丙子燬於火建復雖出衆擎而弟與堂從無力以應衆役先生力任之廼貸之子錢家以應先生伯父曾負人金後人零落不能償先生爲之分年代償之至卒前一年始畢尤篤於師友之誼崑山王孝廉學浩癸丑病於京邸先生爲之稱藥量水者數月而愈桐城馬進士宗璉掌教溫

行狀

三

州壬戌夏病歸道經括蒼先生時官麗水見其困甚畱署中病日篤竟卒藥餌殯送爲之周備并歸其櫬西蜀張太守問陶卒於吳自病至沒日夕在寓爲之調護柩停僧寺歲時躬攜榼設祭焉親友死喪唁慰眞摯貧者輟贈以楸柎總憲涪州周公爲先生鄉舉房師己已冬薨於位先生旣哭之慟聞其喪舟南下奔赴中途迎之泊京口兼旬致賻乃歸冒寒成病弗邨也他若揚人善掩人過不忘恩不宿怨視人得失欣戚倍於身當之有以緩急告者必爲之謀無以應則旬日爲之不怡先生詞章之學早聞於時及任民社不以吏事廢學兩爲浙

江鄉試同考官甲子得士汪繼培孔傳綸等七人丁卯
得士金更生陳慶芝等八人樸卽是歲受知於先生者
凡膺分校監臨例試以文先生兩得首選焉少卽工詩
善書晚筆絕肖肩山詩之豪宕亦似之坦白則類香山
至老恆手一編兀坐書齋夜分歸寢猶燈下讀書不輟
著有大滌山房集若干卷餘杭縣志四十卷新城縣志
若干卷蒔塘詩話四卷目錄若干卷先生向曾劾參竺
乘多方外交主耶律文正以儒治世以佛治心之言嘗
云世人沈溺於名利之場皆因我相存於心耳同里石
太史以先生斯言得金剛般若之旨臨終自書挽句云

行狀

四

夙世未忘貧衲相十年有負宰官身無一言及家事惟
以舊題贈淡雲沙門詩端書於軸以歸之從容若無疾
苦與親故決別一周摯如常時先生距生乾隆己卯
二月十一日卒年七十有一道光庚寅冬十一月十一
日孤子光熊等奉先生柩葬於吳邑萬青字圩珠圓山
新阡距封公墓不數武成先志也明年永康縣紳耆臚
舉政蹟請建專祠籲祀名宦浙省諸大吏合詞具疏於
朝部臣覈議謂居官政蹟確有裨於國計民生名實相
副於例應祀得

旨報可先是餘杭縣士民羣奉先生像配祀一菴蘇文

忠祠逾年麗水縣士民亦奉粟主入祀遺愛祠均撰文紀事由是吳越閒咸知宦迹之懋都有歌詠其盛者而前此犖犖諸大政在朝在野旣已各爲論次著之史牘傳之不朽矣當先生之卒也光熊等苦由荒迷不及撰次先生行事乞石太史韞玉爲之狀於先生出處大端固已無憾惟政事懿行散在人口有詮次所不及者迨士民追述遺行或見請祀之牘或形歌詠之篇然後惠政嘉言懿行逸事悉彰於時樸受知最深先欲撰次先生年譜久之屬稟未竟因念古來傳志之作無不按其子孫傳述或不免於緣飾求如林宗不愧中郎之文要

行狀

五

非一出於秉彝之好則未能也今讀諸公所撰傳志墓表碣銘誄言及請祀疏冊邑誌碑文無不援据簿牒採之公論謂非秉彝之好而何於以入之志乘上之史官先生真不愧爲有道矣先生任餘杭久其祀記稱其如漢史頌循吏之言在官無赫赫名去後常令人思比之古循吏何多讓焉若治永康不盈一載而政蹟尤著使民有沒世之慕自以出民水火登之衽席功易見而治效彰宜其請祀之牘有云官雖一載而遷民有百年之頌也漢朱邑終於大司農至今人必以桐鄉名他年頌先生者自必以張永康稱之亦從其最著者傳於後也

今得

詔祀名宦

國史例當有傳然非稽之金匱石室之藏何由窺見昔
人有爲先賢行狀所以紀述逸事而輔正史矧身列門
牆習聞謚思之切鄉評之詳謹爲之集衆論節錄大端
別撰行狀一通指事書實不敢臆爲增減亦不敢溢美
以誣先生以俟後之君子欲考先生遺行者或有採焉
道光十四年歲次甲午八月癸巳平湖受業林樸謹狀

行狀

去

詩 蕭 茂 生 遺 像



宋銓

仕不違親謀升斗祿廉
而不齷造蒼生福清畏
人知退居盤谷先生之
德渾金璞玉先生之文
神完氣足語多見道貽
孫有穀

年家子宋銓敬贊

宋銓

大滌山房詩錄總目

卷一

古今體詩一百九十九首

卷二

古今體詩一百四十八首

卷三

古今體詩一百六首

卷四

古今體詩一百六十二首

卷五

古今體詩一百五十一首

卷六

古今體詩一百六十五首

卷七

古今體詩一百五十五首

卷八

古今體詩一百六十七首

大滌山房詩錄



大滌山房詩錄卷一

吳縣

張吉安

通民

大清
民國
正
通

林屋洞

洞庭兩山氣清淑翠螺點破虛明腹踏來縹緲最高峰
七十二峰看不足訇然石扇兩兩開第九洞天號林屋
世傳一穴會三門祇許僊人親剝啄鬼工倒剗湖底空
一綫羊腸走詰曲陰龜幕洞作霧昏石骨生寒變夏溽
雲竇千重四壁垂玲瓏嵌空波紋蹙側身束炬導前行
如蛇蟻腹鹿觸角火光明滅蝙蝠飛大者如雅雪翅撲
忽聞頭上櫓聲過波濤震盪神魂肅石鼓石鐘相應鳴
鏗鏘天半聞僊樂龍威丈人果有無寄窳銀房斷塵俗
隔凡深處姓名題一闕千春瑤草綠我生久欲叩瓊闕
擬告山靈卜小築得與丈人守素書亦文碧篆循環讀

遊壑舟園謁王文恪公像

宰相山中老文章海內尊濟川才未展藏壑意難論草
木皆堪敬音容想像存永懷君子澤林立看諸孫

宿南州草堂贈徐漱波先生

福地人爭羨先生道固存承家惟孝友託業亦田園婦
子詩書氣桑麻雨露恩山居全至樂無事訪桃源

成昏三日詩示內人

任禮由來恥任妝，釵荆裙布足相當。我家舊住皋橋下，應記當初有孟光。

三朝作婦入廚房，吳諺古禮猶傳棗栗將。好讀君家新樂府，未諳食性小姑嘗。

桃花菴訪唐解元讀書處

風流姓字才人豔，香火因緣古佛同。寂寞一龕門晝掩，桃花開謝幾春風。

繡谷園

偶過桃花陽來尋繡谷，園何人開竹徑有客破苔痕。騷雅看圖畫亭臺，向子孫斷碑古字蝕點畫。試重捫繡谷二字

太滌山房詩錄卷一

二

得自土中

贈袁月渚道士

我聞玉山高會多，詩人逸調尤推句。曲史秋天沆瀣春，朝華澡雪詩腸清。若水偶然爛醉五雲漿，一揮埽盡霞光紙。袁君故是名家駒，少年墮地頭角殊。六俊聲華照奕葉，風流文采輝吳趨。君也飄然獨擺脫，高情放曠塵埃豁。自嘯松風百尺樓，手排玉宇三層闥。周郎遺宅城中央，歲時香火爭祈禳。案府志：城隍廟爲周瑜故宅。手植柏樹猶存。公瑾當年手植柏，摩雲老幹檜青蒼。步虛聲起明月夜，紫簫冷吟呼鸞鳳。我時訪君瑤華館，吸翻花露玻璃瓊。示我詩

篇語絕奇名香百和供熏盥丹房窈窕清無塵火雲當
天燒赤輪砌下玉蘭白於玉時方六月玉蘭盛開僊家草木生長
春疑君幻術若殷七紅鴟千朶血色新華陽僊抱朴子
不數榮名耀朱紫伐毛洗髓青海頭凡骨癡頑那有此

題王拙甫先生陰隲文詩箋

點竄羣言當鄭箋聲聲唱出桂宮前文章風可同三代
經訓流還及萬年勉作中材培子弟敢將小果薄人天
一鐙千百傳無盡法炬爭看火始然

記其登堂曉壁箋幾番捧袂講堂前相期人物爭千古
莫負男兒過百年收拾文心齊載道摩挲老眼獨觀天

大滌山房詩錄卷一

三

貽謀只此無餘事那得含豪不邈然

山塘莫歸

花外歇微雨柳梢明夕陽恩恩雙槳急鐙火半山塘

讀書桃花陽謝氏來燕堂

近市囂塵不可居借來庭院綠陰初我家亦有桃花陽

曾記文昌舊讀書

和州桃花陽
張籍讀書處

輓阮太史董邨先生

望若神僊鶴髮翁畫來團扇與屏風翰林風月推前輩
茂苑鶯花屬寓公載酒尙容奇字問褰帷可柰講堂空
知交零落生徒散獨有羊曇恨未窮

七夕

銀漢迢迢一碧橫
雙星果否鵲橋迎
今宵珠露落無數
多少世間兒女情

鬪蟋蟀

金飆下梧桐葉落走
荒徑蟋蟀鼓翅鳴
兒童起豪興籬
落呼紅燈瓦缶爭
一勝未合銀須搖
旣鬪鐵齒捐寸草
挑雄心至死力猶競
乃知肅殺秋一氣之餘勁
吾觀膽亦壯慷慨託歌詠
兒戲安足論激烈本天性

舟中述懷時偕李邃菴丈嚴大少峰北上

漸覺鄉音別蓬窗客思清
遙瞻天北斗忽聽雁南征
各

大滌山景詩錄卷一

四

繫庭闈夢非關兒女情
平安書兩字來日大江橫
濁酒滿壺傾披衣夢未成
笑譚參史事人物入詩評
五夜江湖思一鐙師友情
此行不負我御李慰平生

金山

無際江天景金山勢欲流
晴光開塔頂濃翠潑船頭
梵唄潮音沸樓臺蜃氣浮
妙高如可到長嘯海門秋

焦山

秀絕焦山景名因處土尊
千盤雲木翠一望水煙昏
古鼎文能讀殘碑字可捫
探幽須十日對榻與僧論

金陵懷古

龍蟠虎踞指金陵天闕峩峩最上層南渡衣冠灰是劫
六朝金粉夢難憑新亭垂柳當墟女舊院斜陽種菜僧
煙月秦淮鐘一杵丁簾風影閃春燈
建業西風氣黯然江沈鐵鎖下樓船誰從白下偏安日
想到黃初轉戰年蔣帝神祠塵漠漠下侯墳土草芊芊
後庭玉樹歌殘後又聽新聲燕子箋

漂母祠

高義傳漂母荒祠認古邨千金不望報一飯至今存才
大難爲用途窮易感恩紛紛來痛哭若箇是王孫

山左道中除夕

大滌山房詩錄卷一

五

茅店話團圓銜杯且盡歡迢迢聞爆竹草草具辛盤只
作披衣睡居然守歲看但聽雞一唱喜色上眉端

元夕入都下榻嚴愛亭師寓齋

薄笨衝泥漫逗畱入城方訝促更籌忽聽簫鼓雲端下
旋見魚龍天際遊喜做華筵元夕酒豫占吉兆月鐙球
長安春滿人如海可放今番出一頭

遲陳小平表弟不至

日莫相思悵楚天時隨任尺書迢遞已經年依劉生計

憐子倦入洛才名待汝傳飽看江山增勝槩鬱來意氣

滿詩篇槐花影裏秋風急早晚征途快著鞭

送蓬菴丈之蜀

長安居不易蜀道上宜難淚爲聽猿下山當立馬看文
才雄一世奇險立千盤遙念成都夜光苾匣劍寒

和張鄂樓移居詩用厲樊榭集中韻

東西列屋半年餘歲莫何緣賦卜居路傍通衢喧白晝
巷臨古井汲清渠燕巢差免依人宇蝸角真堪愛我廬
博物聲名家學在終朝史獵更經漁

不是詩狂與墨顛乘來薄笨望如僊浮家未泛煙波宅
作客先裝書畫船滿座賓朋圖雅集對牀兄弟話同眠
鸚鵡莫蕢長安酒釀飲消寒爲合錢

大滌山房詩錄卷一

六

柴扉靜掩積籬斜澹泊歡娛也自誇校罷好書同掃葉
拈來枯管欲生花妻眞法喜維摩室奴亦憐才穎士家
容易藏身人海內六街車馬任喧譁

屋邊風雪不堪聞炭價增高酒策勳娟竈俗傳聊爾爾
送窮吾意亦云云連聲打鼓兒成隊報喜營巢鵲噪羣
轉眼春光浮大地試香梅萼已三分

除夕

去歲荒邨過草草今宵客邸話縣縣鄉園迢遞三千里
星斗瞻依尺五天彩勝桃符徵故事辛盤椒酒敬華筵
多情紅燭殷勤照一醉屠蘇夢亦圓

謁阮吾山師瓶花書屋出示近作依韻奉呈

深情款款話鄉關卅載京華兩鬢斑不愧臣門清似水
爭傳詩筆重於山古香馥郁圖書裏春意沖融杖履閒
參得瓶花消息好未須迎葉始開顏

小遊僊詩和杜梅谿同年韻

玲瓏樓閣鎖雲煙笑語時聞落九天西母年年來往熟
不教青鳥到筵前

一杯春色泛流霞道是餘杭阿母家爛醉階前呼不起
繡裙狼籍碧桃花

暗罷圍碁幾度春洞天深鎖斷紅塵玉階走出金鈴犬

大滄山房詩錄卷一

七

閒臥花陰不吠人

名列丹臺石室閒鞭轡咎鳳也癡頑無端隻鶴偷騎去
夜半何人報阿環

夢墮紅塵醒自嫌一鉤海月挂珠簾玉郎小別三千載
試驗盤中八字蟾

小謫空壇歲月長何年碧海拜東皇襪蹤手執青鸞尾
掃落殘花世界香

陶然亭

十丈紅塵內此亭亦快哉清涼窗戶納平遠畫圖開蛤
吹過新雨蟬聲集古槐小車穿葦岸疑是泛舟來

嚴慶亭師招賞盆桂卽席分韻得小字

先生雙桂軒舊在東山杪樹老陰空庭蝨蝨珠雀繞十
載官長安故園秋渺渺盆攜一枝幻出小山小洗琖
邀同心清興豁塵表粟影綴簾櫳香濃襲袖襟宵分客
醉歸堂虛月魄皎一夢故園秋氤氳破清曉

贈嚴大也農

旅食京華兩度春歸來市上著閒身梁鴻本不因人熱
鮑叔猶能知我貧潦倒酒杯堪結伴淒迷鐙火最相親
一船書畫裝初就嗜好何妨稱主賓

感懷壘前韻

大滌山房詩錄卷一

八

花落花開不計春少年隊裏早抽身獨眠已勝千朝藥
萬卷難償一字貧略識詩書衣帽古稍寬禮法僕童親
鐙窗寂靜垂頭坐形影分來主與賓

末麗詞

華鬢纓絡市曾經粵嶠分裁比素馨句得花田魂一縷
搔頭橫玉鬪娉婷

小摘嬌含豆蔻胎晚香玉許作興臺綠鬟髮髻垂垂壓
如殺芳名號夜來

一葉瓜皮七里塘冰紋衫子藕絲裳浴街雪瓣玲瓏吐
幫奴風來也自香

櫻籃麗綬綴紅榴的樂明珠百琲收門巷夕陽聞喚賣
有人浴罷正梳頭

妝成鬧掃鬢堆雅枕泥紅護碧紗沁入髮根香醉骨
那知紙帳夢梅花

桂吐香時金粟橫秋涼庭院碧無情蒸來花露薔薇濕
攪入茶甌氣味清

呈黃開雲師

彈指春風二十年酸辛往事話燈前一龕香火垂垂老
白飯黃齏未了緣

安自五齡問字於師迄今二十年矣

婆心救世卽生涯五色囊中貯露華有眼便生煩惱障

大滌山房詩卷一

九

那能空處滅空花

師精眼科

雨後巖也農招同韓旭亭丈登三泉亭

雨洗暑氣清苔蘚滑巖石幽尋不知疲著屐穿林樾客
慕第三泉尋之得其迹有亭翼然臨藤蘿曳殘碣亭中
一老僧烹茗供遊客竹裏滄茶煙散入暮雲碧傾甌涼
肺肝寒氣生石壁乃知結靜緣便已離火宅世界本清
涼凡人自煎迫老僧澹無言余亦倦遊躡與客下山來
平林吐新月

鮑安邨文采菊圖

帽簷插滿笑華顛愛讀柴桑采菊篇傲骨差宜同晚歲

輕身何必學神僊尋來橘綠橙黃候踏徧斜陽細雨天
正爲催租敗詩興一尊醞醪負籬前

秋夜

牆角一螢度空齋人悄然今宵風露冷清簟不成眠

李遂菴丈自蜀來吳相聚兩月時將之揚州學博

任贈別四首

卓越高風是我師平生眞悔識君遲燕臺歡聚三春夢
蜀道歸來一卷詩勤破宦情非爲嬾久貪書味漸成癡
卽今殘局分明處便是僊人上著碁

丈有分明一局
話殘碁之句

尺五城南又二年對牀風雨憶同眠退之曾進張童子

大滌山屋詩錄卷一

一

甫也頻呼李謫僊

謂杜梅谿

早信科名人品重每聞譚論俗

情捐後生自願師前輩姓字他年集裏編

劒閣登臨筆有神獨驚瘦骨愈嶙峋地經險處山川秀
交到窮時面目眞壯歲誰無匡世志冷官始稱讀書人
一盤苜蓿儒生福抵得朝衫萬斛塵

揚州都會自繁華道學風流亦可誇爲訪高僧參貝葉
且邀山長看梅花官船燈火紅橋晚妓院笙歌碧柳斜
莫被放低詩格去文章煙月陋名家

陸尋蓮谿作墨蟹見贈賦酬

淋漓墨瀋潑滿幅團臍尖臍十有六誰與寫此郭索形

乃是吳門畫師長，尋陸生故是豪放士。南北奔馳苦
局促，有時長鯨吸百川，十觴累舉亦不足。有時醉後發
高歌，鐵板銅琶大江曲。丹青結習半生癡，畫鬼畫人頭
盡禿忽。思風味到秋塘，鐵甲橫行紛入目。一爲攤劍螯
一爲豹文殼，一銜稻區兩寸長。一傍蘆花淺水覆，坵泥
帶水半模糊。笑殺君家須上黏糜粥，吾特攜歸挂破牆。
魚腥水氣生滿屋，小兒驚見喜欲狂。雙手檉來不敢捉，
吾亦愛看頻挑燈。大嚼屠門聊當肉，尋乎尋乎柰蟹何。
千古清狂懷畢卓，邗堪對此酒杯空。況復黃花開徧香
橙熟。

橫塘

細雨篷窗夢橫塘，一水遙欲尋高士。宅已過善人橋，釀
酒鄉風古編籬。野色饒前邨，渾不辨雲氣滂。山磬

雙跗庭獨坐

本無愛處復何憎，消受清涼竹院僧。一點機心磨不盡
又看松鼠挂枯籐。

輓沈理函

沈郎胥自瘦，一別忽三年。豈意重陽節，遂成長恨天。浮
名欺早歲，愁思化秋煙。賦竹齋前過，蕭蕭動客憐。
瑯琊親誼洽，彼此見平生。吾豈搗翁壻，君真似舅甥。承

家敦孝友爲學薄科名聞說夷亭路鄉人哭失聲

歲莫感懷

青氈割得故人情破紙堆中意氣平粥飯有緣都是福
詩文了債敢言名鐙前慣見飢馳走客到先防惡犬驚
一事自誇還自笑授經添箇女門生

中宵肺腑頓清涼毒草靈苗一一詳味外酸鹹誰肯辨
箇中甘苦試親嘗脫來凡骨燒丹竈夢入僊山負彩囊
滿眼瘡痕如許療金昌市上小韓康

破除煩惱奉毗邪經卷鑪香自在家安得心腸如木石
終傷口腹到魚鰕維摩臥病緣難了彌勒同龕願亦賒

卽事已消無量福瓦盆清供水僊花

求僊學佛竟何功百慮相煎一歲終叩到富兒憐杜老
送來窮鬼笑韓公愁聽爆竹頭先痛喜近圍鑪手自烘
枵觸幾番除夕夢雪泥鴻爪任西東

鍾進士

倚傍誰家好科名進士尊擲揄鬼不免文字爾休論隨
例輝蓬戶經春逐彩旛終南原捷徑袍綠舊沾恩

門神

五祀門居一俄傳武與文旣非眞宰相安問故將軍列
肆衣冠濫隨時面目分公然司啟閉昏莫叩紛紛

爆竹

鞭得陽和轉聲聲爆竹催連邨喧臘鼓平地起春雷猛
力千番楮雄心一寸灰霎時銷氣爛掩耳笑童孩

祀竈

媚竈吾何敢稱君義未詳古傳老婦配今以火神當撒
豆空鳴瓦盛盆亦賣飴送窮忙不了那更祀黃羊

呈白門陳星邨先生

伯通橋下話前緣燭炮香銷十二年幾輩多情今老矣
重來一笑故依然未妨琴癖兼茶癖自喜書禪更畫禪
醉後不除豪士氣爲余秃筆掃雲煙

星邨先生指示畫梅竹法躉前韻

平生筆墨有深緣前輩風流五十年額上點梅真韻絕
胷中成竹本天然蕭疏最愛雲林子冷澹還參枯木禪
手澤開陳香滿幅欲尋舊雨悵雲煙

前筆也卷中題詠
諸公俱已物化

泛舟山塘風雨交作

山塘一帶綺羅叢僊侶同舟欲御風水閣重簾人隱約
劃波雙槳太愔愔

霎時猛雨趁斜風煙景篷窗指顧中洗盡畫家脂粉氣
模糊一幅米南宮

題韓旭亭丈聽鐘樓詩彙

遐之本是僊人也文字平生足戲遊

二句東坡詩

誰肯繁華

參冷澹人傳道學更風流亦知魚樂長臨水

新築水軒顏曰知魚

樂同聽鐘聲合上樓吟罷好詩清入夢一天涼月碧梧

秋

初秋放舟跨塘徐梧岡丈畱宿草堂

香稻青青覆滿塍橫塘西去記吾曾一邨雞犬皆僊意
不信桃源屬武陵

小橋流水夕陽斜竹徑遙通處士家報道客來茶正熟
一闌秋色襯紅霞

大滌山房詩錄卷一

十四

到來兒女靜無譁園翦秋蔬酒不賒雞黍丈人今又遇
六年車馬悔天涯

度世金鍼孰許傳先生行地散神僊園池豈是兒孫計
不種良田種福田

笑余學道久蹉跎等箇韓康市上過一宿空山風露冷
夢中香草拾來多

葉家池館已成塵廉吏何堪子負薪獨立蒼茫無限感

空畱藁本在詩人

葉橫山先生獨立蒼茫處已屬他姓矣

貝家園裏滿檀欒翠袖何當倚莫寒吟到廣陵女史句

相思吹墮碧雲端

竹上刻廣陵女史詩

連日清娛萬慮空山居之樂樂無窮再來只在重陽後
飽看楓林葉葉紅

哭善彰弟

雁行排次忽分飛叫斷雲山力已微羣從七人吾尙少
同堂四世爾偏違亦知天者誠難測其柰魂兮竟不歸
二十五年成一劫回頭夢覺是邪非

盼我歸來幸得痊那堪相見淚漣漣病深肺腑何能語
嘔出心肝祇自憐五色彩絲難續命弟端午日加劇千金良藥
不延年對牀風雨連宵夢仍結來生兄弟緣

伯父恩勤十五年撫如已出倍堪憐窮來東野難言命

淚下西河欲問天花祝忘憂長壽考子名無患幸絲延
阿堃眉目家兒稱苦望青箱世業傳

奉懷李邃菴丈

忽憶揚州路梅花又一年廣文官獨冷寄食我何緣夢
醒牀頭雨書來江上船歲寒同耐得珍重璧瑤箋

跨塘

塘自東西跨意行慳所便芳畦千幅繡綠樹一邨圓風
蜨娟娟戲野花簇簇鮮過橋貪熟徑犬吠竹籬前
邨翁譚野趣未覺路盤紆藥草連山足瓜藤市地扶觸
牆牛畫字啄木鳥書符儻遂鄰居約楊雄宅一區

和王拙甫先生自壽詩韻

松菊歸來號隱君堂開會老事重聞

文恪公有會老堂今春新舉老人會

故家傳舊業存仁術望重儒林是廣文白髮功名餘志氣青銚風雨話辛勤三吳多少知名士只合從公足後雲

家人叶吉有嚴君門內歡聲戶外聞摩詰弟兄貪佞佛
瑯琊子弟總能文結成善果應多福食報書田在一勤
八九春光無限好長生花下禮慈雲

贈陳月龕

敝衣破帽骨峻嶒相對渾如入定僧心月有光同照徹

大滙山房詩藁卷一

七

分來佛閣一龕燈

請藥敲門不厭頻龍方活得幾千人耳根清淨通僊籟

始信龐時有後身

君近患耳聾

寒夜同黃開雲師試茶分韻得耐字

夜氣逼窗紙寒臥僵寒蠶呼童急溫酒牀下空泥纒開
雲吾夫子茗飲平生耽竹鑪與瓦鼎一一排松龕靈芽
日細嚼黃面如瞿曇一串出相示而曰解渴堪檳榔共
消食訶勒同祛痰此品更可口舌本餘醴醴昨日洞庭
友遠贈封筠籃茲山擅名久珍重逾黃柑春雨破雷莢
嫩日烘晴嵐自經纖手摘細揀搔頭簪葉數重裏開

掃聞禪醜宵寒試品此色香味同參且言煎茶法泉水
尤宜諳中冷甲天下所苦蛟龍潭慧山差伯仲虎阜落
第三山靈深有意佳處留僧菴子今不徧試枉住江之
南起謂先生道莫漫輕嘲哈此福得有命此語毋乃貪
水經註曾讀何處窮幽探水簾康王谷遠夢迷層巘玉
川鴻漸輩嗜好成癡憨晚著毀茶論足令茶神慙今夏
梅雨盛留貯一小甌松枝煎活火顆顆眞珠涵先生一
笑飲始信天泉甘埽卻昔年癖使甚今宵談颺颺聲未
歇詩興吾方酣

青蓮菴老梅

大滌山房詩錄卷一

七

歷盡幾千劫開來第一春松筠空伴侶冰雪鍊精神枯
寂禪能悟荒寒畫未眞我方盤石坐影外有雙身

卽事

自古荒兼疲天心慘不舒我生在憂患觸事易歛歔胥
吏肥囊橐巫醫橫里閭更聞山左道人肉賤於豬

題秋漁小影

柳葉楓林夕照邊碧波渺渺澹秋煙山塘二月春如畫
不喚吳孃鴨菊船

練光一幅翦吳淞銅斗高歌款乃中江上芙蓉秋易老
短篷早趁鯉魚風

簡石遠梅文集杜

甚愧丈人厚交情託所親相逢成夜宿

去秋同宿外舅王樸莊先生齋

中始訂交久坐惜芳辰精理通譚笑無心恥賤貧清詩近要道寄語北來人

壯惜身名晚真成浪出遊風塵三尺劒天地一沙鷗薄俗防人面長貧任婦愁沈思歡會處心折此淹留

龍挂

毒熱不可避弄水檉孤蓬蜻蜓無數刺葦岸日輪激射波翻紅霎時火繖半空裂電光閃閃雷隆隆濃陰一角亂潑墨密雨千點橫斜風篙師失色急繫纜云是龍挂

太湖山房錄卷一

六

東太湖之東之而鱗爪莫能辨但見修尾蜿蜿穿空濛白練倒垂海水立神奇變化于其中少焉雨止雲亦散頭目眩定心膽雄方今病疫苦未已厲毒濡染邨邨同龍方誰試真人手一夜清涼一掃空

除夕舟次揚州李邃菴丈招入學舍度歲

每到平山謁醉翁梅花樹樹笑春風誰知今夜揚州夢同聽棲靈寺裏鐘

山左道中

擾擾眞驚歲月奔驅車早又到荒邨黃塵未醒勞人夢白骨棲殘餓鬼魂出處何心成獨笑治安有策與誰論

故交大半官山左欲寄封書緘淚痕

闔中寒熱交作二場曳白而出幾瀕於危瞑眩中
得詩二句少閒足成一律

一戰文場罷昏昏苦不支陰陽驅瘴鬼性命付庸醫頻
入高堂夢能無故土思知交良藥贈感激淚還垂

錢湘
齡丈

暨石琢堂蔣筠萱
諸君見惠參藥

芍藥

風信將闌客興餘春明一夢感年華榆錢埽地櫻桃爛
又見豐臺芍藥花

嚴麥亭師寓齋過夏

大滌山房詩錄卷一

五

傷春恐熱惱過夏覓清涼陣陣炎風扇亭亭火繖張古
藤聊借蔭僊果喜分嘗三世通家好鐙傳舊講堂

題白沙翠竹圖

牽蘿補屋枳編籬徑轉蒼琅夕照時寫出浣花詩句好
故人誰寄草堂貲

應超然觀察聘移寓內城

圖史盈車載平生性所耽僻居人事減久客世情諳狗
向眠時抱雞從靜裏譚一鐙依古佛便是讀書龕

齋中
供奉

大士
像

讀史

淮上飯王孫鐘室烹走狗如何大英雄生死婦人手
少遇黃石公晚從赤松子畱侯本神僊多事來黃綺
世亂角雄材精猛半摧折何之勳爛焉碌碌無奇節
家貧好讀書終始脫憂患貽禍多陰謀曷若長貧賤
才人浮薄風實自長卿始狗監通姓名宜其號犬子

食韭

口腹累人殊可笑朶頤觀我亦相忘食單不倩門生議
三九風流說庾郎

雪夜登盤貴客嘗嫩芽三寸翦蒼黃吾生那更參風味
一飽居然抵萬羊

天滌山房詩錄卷一

三

客感

家居食不足客久心無益安得耕且養三年通一經
俯首聖賢書略識忠孝字一鑑照我心耿耿不成寐
抗顏據師席何者爲師承文章一小技況乃工未能
長安盛車馬而我如枯禪有身名啄木有身名信天

超然觀察招遊二閩

小雨初晴暑氣收瓜皮艇子盡情遊魚蟹鱸參差見
畫出江南蘆荻洲

芙蕖葉葉環沙渚楊柳絲絲罨釣舟兩岸人家齊放鴨
愛他水色碧於油

遙望東南水接天，潞河好景自年年。
連朝漫說千船到，未麗紅蕉載滿船。

小市尋來舊酒壚，鮎魚出網佐邨酤。
水鄉風味吾能說，抵得松江巨口鱸。

題王星槎明府波羅蜜圖

幾劫修來清淨因，登場曾現宰官身。
多緣般若舟能渡，穩作抽帆到岸人。

阿金也有西來案，結習能參杜謨禪。
畢竟回頭何處是，草鞵一隻爛泥船。

七夕集杜

大滄山房詩錄卷一

三

牛女年年渡園林，非昔遊神僊不愁思。
河漢近人流菊蕊，悽疏放蛛絲仍未收。
遙憐小兒女，風幔不依樓。

哭阮少寇吾山師

學富醇儒事業該，濟時餘力正恢恢。
官書屢廢歐陽歎，天語頻呼蘇軾才。
歸老勻湖虛夢想，授經北海負栽培。
培酬恩尚有千行淚，已哭公家三世來。

韓貞文先生小林屋圖

左神靈境列僊居，廟破雲根好讀書。
黨籍挂名君子福，天畱片石劫灰餘。

會看草木記平泉，雲族隆隆起後賢。
當日是非誰辨得，

堯峰書屋已寒煙

慈仁寺古松

不化蒼龍去根蟠古寺幽怒濤晴亦雨偃蓋夏疑秋往
迹僧能說詩名客共畱尋僊儻有分許我茯苓求

韓旭亭丈屬題畢補垣觀心閣讀書圖

唐韋應物題額

培翁詩派有賢甥畢大才華孰與爭解得聽鐘真實義

聽鐘係韓氏書樓

觀心閣上讀書聲

清絕風流韋左司心香一瓣五言詩少年綺語消磨盡
妙悟空山葉落時

高譚縱酒豁天真一笑相逢京洛塵尙有讀書清淨業

大滌山房詩叢卷一

三

十年宰相豈無因

一牀經卷一龕燈擔水挑柴百不能只願衆生知恐怖
我今合作啞羊僧

兔兒耶

搏土爲人兔斯首不是長須與缺口黃金炫赫盛衣冠
市上小兒競奔走何不坐爾中書堂何不供爾擣藥職
管城冒姓亦偶然月腹藏身恐未得狡哉三窟計已成
封以丸泥世相襲萬家鐙火照華筵一例居然時享及
君不見伏獵弄麀經點竄疑以傳疑義難勘中秋一過
上元來又看街頭燒火判

雪夜集周東屏師寓齋用東坡聚星堂詩韻

秋到長安吟落葉消寒又賦燕臺雪吾師招飲來歡呼
衆賓起舞誇奇絕落落長松須髯垂蕭蕭枯竹臂肢折
浮白那教酒淺停輒紅卻喜塵蹤滅遺蝗入地報豐穰
驚龍出手徒牽掣影迷醉眼眩生花妍鬪詩情彩翦纈
歐公禁體追風流坡老僂才隼玉肩尖又險韻漫撻擗
鹽絮陳言盡飄瞥一夕圍鑪破客愁他年佳話憑誰說
泗蘭詩罷雪意耐歸來布被冷于鐵

走馬鐙

萬城爭向火城行歷亂檐前鐵馬聲灞上棘門兒戲耳

太滌山房詩錄卷一

三

試燒殘燭更譚兵

喜張亥白船山兩孝廉至

兄弟科名美江湖姓字香固應推二陸竊喜附三張奇
氣風雲合雄文霄漢光佇看賡雅頌何必陋班揚

苦雨同王大椒畦作

天瓢一瀉雨垂垂屋漏牆傾苦不支魚鼈全生真可笑
蛟龍觸怒亦何爲橫流漫起王尼歎廣廈長號杜甫詩
今夜故人同倦枕感懷身世竟成癡

寄懷李邃菴丈

一別三秋七字詩綠楊城郭夢迷離長安生計休相問

扁鵲今爲帶下醫

同陳二草園夜話

連夜卜鐙花迢迢鄉信賒家貧傷至性旅食負韶華隍
內空藏鹿杯中或隱蛇我今歸思切八月擬浮槎

讀周文恭公手注杜集

千家註杜感微茫俗論先空趙蔡黃鳳髓合膠天外得
鯨牙刺手海中望許身稷高公何忝結契房嚴孰可當
祠近浣花同俎豆錦江無際淚浪浪公於上年入
祀賢良祠

錢湘舲文畱宿澄懷園直廬

玉堂天上夢何因路入僊源無一塵疏雨微雲正清絕

太滌山房詩錄卷一

三

風流卻話孟山人

石琢堂殿撰寓齋餞別

幾度看春不是春神僊卽在輓紅塵憐才敢歎無知己
春闈蒙俞珊
州先生力薦得路欣看有故人酌彼金壘何惜醉通來
青鳥莫辭頻江南秋冷煙波夢多少芙蓉傷水濱

題船山庶常出山小草卽以畱別

不將科第了功名遠志何須苦辨爭水自岷江來萬里
出山仍是在山清

英雄兒女儘多情併作人閒激楚聲掩口不譚恩怨事
少年愁殺玉谿生

姓字幾曾通狗監文章早已播雞林眼中落落輕餘子

海外何妨足賞音

近稟爲朝鮮使臣購去

門外車聲熱客過而君清夢入煙蘿朦朧睡足三竿日
卻惱青蠅秋後多

交情合共詩情澹宦興何如酒興濃劇喜對牀風雨夜
悄無人語聽寒蛩

贈我詩篇字字真年來龍性已能馴殷勤一片長安月
流照江南失意人

八月廿八日艤舟張灣遲船山後二日至椒畦寫

圖畱別屬予題句

太滌山房詩錄卷一

重

臨水依依別淚潺潞河煙柳不堪攀他時苦憶吳中客
夢繞江南畫裏山

舟中感懷

四載輒紅塵兩足墮雲霧艤舟潞河濱如夢一朝寤依
依楊柳邨渺渺夕陽渡隔船吳語聽疑到江南路尙戀
城西山一角煙鬟露貪看興亦癡隱約倦靈度故人期
不來清景誰與賦

九日阻風周五旗樵舉酒爲樂

佳節說登高何來怒捲濤有風吹落帽無句可題饒蜀
客調吳客詩豪作酒豪弟兄海內共鄉思漫焦勞

憶白菊用陸天隨韻

一襟秋思壓羣芳想像幽姿憶草堂吟就合推詩品澹
描來微帶墨痕香爲傳高士忘言意畱伴佳人絕世妝
獨立西風看瘦影爭禁簾外月如霜

舟泊天津

津亭楊柳逼殘秋丁字沽邊盡日畱猶喜魚鹽通澤國
休論煙月似揚州稻梁幾處愁蒼鴈蒲稗相依泛泛鷗
不信恩波天上隔乘槎夢到碧虛遊

舟中不寐同椒畦作

秋衾眠不著輒語到更闌野肅風聲壯燈昏水氣寒友
朋多聚散身世雜悲歡何日茅齋臥田園樂事寬

大滌山房詩錄卷一

三

臨清

山左控南北此閒亦要衝喧聲爭泊岸風色冷殘冬津
吏豺狼餓邨民鳩鵲容沙蟲空變滅往事淚沾脣

簡椒畦

酒杯到手不成醉詩景推蓬空飽看枯木斜陽雅數點
試拈秃筆寫荒寒

櫓聲

篷窗浙瀝話殘更枕上聽來款乃聲一碧煙波鷗夢破
十年湖海客心驚蕢州笛咽流餘韻草閣鐙昏識此情

我是吳人作吳語，啞相和到天明。

帆影

不是春流颺酒旗，秋風影裏思依依。湖心浪皺千紋織，水面雲低一片飛。震澤飽時迷浩蕩，湘江轉出認霏微。寄聲好友今無恙，盡日舟行弄夕暉。

觀碁

飽食竟何事，圍碁空復情。舟中成坐隱，紙上漫譚兵。交戰心原苦，爭先氣不平。四維吾欲賦，局罷看分明。

買梨

梨紅秋又晚，滿檐壓斜陽。泊岸人爭買，登盤客喜嘗。甘

太滌山房詩錄卷一

七

寒宜病肺，澡雪到詩腸。此是吾家果，名傳大谷張。

排悶

布帆安穩不嫌遲，兀坐篷窗興亦癡。魚賤頓空食肉想，鼠多擬和乞貓詩。是非絕口惟嘗酒，得失忘懷也看碁。卻喜過江消息近，鐙花連夜卜歸期。

江南月

今夜江南月，依依倍可憐。長安相憶處，四十九回圓。

渡江

夢醒瓜州渡，推篷豁遠眸。遙山隨岸沒，高浪拍天浮。煙雨空濛界，魚龍寂寞秋。江神應笑我，來往幾扁舟。

哭范秋巖舅氏

文正家聲舊醇儒師道尊頻年勞遠夢廿載負深恩北
海經曾授西州淚欲吞韓康無限感貧賤更難論
應劉繪林觀察聘就館徂遷有感

祇以飢驅累勞愧此身到家渾似客入世總依人甘
旨堂前缺鄉園夢裏真計程千里近小別益酸辛

項王祠

一片黃沙下相傾拔山扛鼎竟何成我來獨下荒祠拜
夾岸河聲怒未平

英雄兒女總堪哀帳下悲歌意氣摧至竟虞兮同廟食

太滌山房詩錄卷一

天

笑他人薨野雞來

菊列虞姬像

繪林觀察招飲寓齋卽次迎春詩韻

韶華豈惜鬢如銀且脫陶公漉酒巾今雨接譚聯舊雨
餞春拈韻步迎春行廚鮭菜登盤早上苑鶯花入夢頻
觀察官比謝傳東山高致在攜來絲竹一番新

次李邃菴丈見懷韻

千里離愁十日程恩恩倚權廣陵城依劉漫作登樓賦
御李曾叨末座名弔古英雄多激烈感時懷抱在澄清
書生畢竟成何業牆角依然伴短檠

簡繪林觀察集杜

客禮容疏放余藏異隱淪師資嫌未達儒術豈謀身束
縛酬知已蒼茫興有神論交翻恨晚直取性情真
用拙存吾道安貧亦士常焉能心快感此氣揚揚自
古有羈旅結交皆老蒼防身一長劍每夜吐光芒

中秋夜雨同吳二水如詠月餅

名士充飢畫幾年誰教方法餅師傅團來雪練秋剛半
擣盡元霜月未圓解爨空懷菰葉夢題糕又遍菊花天
客中喜有吳筠在變變淒淒說可憐

送水如之揚州集杜

夢晝入骨髓吳生遠擅場風塵苦未息邱壑道難忘未

大滌山房詩錄卷一

五

負幽棲志應耽野趣長百年渾得醉眞宰意茫茫
世路雖多梗公才或守雌理生那免俗捨此復何之同
調差堪惜有情且賦詩沈思歡會處荷淨納涼時

聞雁

雁陣團風下遠洲不勝清怨碧空流帶來塞北三更冷
叫破江南一片秋永夜誰當樓閣倚長途亦苦稻粱謀
白蘋紅蓼家何處愧殺煙波自在鷗

鸚鵡

剪舌鎖筠籠喧卑與俗同不矜文彩豔自有性靈通啾
啾呼名誤勞勞學語工好音須愛惜鸚鵡隔簾櫳

淮上

淮南落木正悲秋
貰酒何當市上遊
襍被蕭然書兩篋
又煩津吏權行舟

鷓鴣曬翅立漁梁
入水銜魚一飽償
我只推篷看風色
哀鴻無數下寒塘

題揚州程菊田秋聲園圖

商聲蕭瑟觸閒愁
詞客何緣愛聽秋
多恐二分憐月色
卻因六一話風流
菊田寫就詩應補
竹徑尋來韻亦幽
休笑癡童惟渴睡
從教醉夢說揚州

三十六波櫂歌用漁洋山人秦淮雜詩韻

大滌山房詩錄卷一

三

緯蕭爲屋椽爲籬
不是煙絲卽雨絲
生長水鄉波浪狎
一雙白足罨泥時

高臺突兀指文游
道是蘇僊到此州
淮海維揚數人物
簞秦莘老擅風流

雪涕曾過漂母邨
露筋祠下薦芳蓀
靈風颯颯雲旗颭
時有白蓮香到門

海陵縣本號吳倉
煮海爲鹽肉鬪場
往劫沙蟲空變滅
淮張小竊亦稱王

前湖如玦後湖環
垂柳垂楊灣復灣
吟到江南頭白句
泠泠僊韻落人間

輝分草木到淮陰
璧社湖中月彩深
影弄夕霏沙吐暈
也防神女夜來尋

漁人生計夏連秋
放鴨家家屋是舟
樂府新腔翻阿子
晴嬉舵尾恣春遊

呼泥滑滑幾時乾
柔櫓搖來語軋干
賸有吳儂貪說餅
一甌春茗雪花寒

海山樓晚眺

江淮入海維揚州
朝宗萬派趨東流
平山堂上看不足
海山一覽登層樓
竹西鼓吹漸騷屑
江左文章重流別
六一方開景祐風
二分忍問揚州月
輜軒編采琳琅篇

大滌山房詩錄卷一

三

想像紅橋修禊年
孔雀東南驚藻彩
高情西北空雲煙
是樓建自紫陽守
晚眺滄溟吞八九
金鼇鐵甕擺檐前
貝闕珠宮輝座右
文筆韓蘇氣勢論
人從天際仰龍門
盡收琪樹歸珊瑚
紫澗回瀾一柱尊

繪林觀察以汾酒見惠走筆致謝

汾水秋來夢頻叨
佳釀嘗得名同玉
露消渴勝瓊漿
月色溶溶白梨花
澹澹黃擬將詩句
報冰雪澡枯腸

西瓜鐙

無端刻翠到花瓜
巧鏤鐙球意匠誇
團得綠雲涼月魄
破來碧玉豔朝華
上環宛轉雙絲絡
疊瓣玲瓏卮字斜

若使夜深騰五色流輝應照故侯家

贈墨谿畫禪

色卽是空空卽色詩中有畫畫中詩一花一葉皆眞性
隨手拈來妙悟時

和周晴川少尉極樂菴卽事韻

蕭然一榻寄僧家畱伴疏梅屋角斜僂骨清臞同鶴瘦
佛心悟徹散空花前因未了應煨芋寒夜如來定試茶
多被長官嚴權酷那能洒瓊泛流霞

臘八日極樂菴闍衆僧受戒訪晴川少尉不值夢
前韻

大滄山房詩錄卷一

三

漫分釋氏與儒家指點風旛影自斜立地有誰成正果
彌天無際散空花鈍根未喫當頭棒甘露惟求解渴茶
身現宰官忙不了卻輸老衲住煙霞

劉生履階奉甌履一雙賦酬

冬皮夏葛漫徵名踵決時間橐橐聲珠履誰當誇上客
青氈眞合奉先生踏來初試甌飀煖織處還憐髦甌成
竈塚今年應得免錫奴無事伴殘更

將出都門亥白船山屬題連移聽雨圖卽以畱別
緜渺關河百感生天教名輩總多情我今獨聽彭城雨
愁殺蘇家兩弟兄

下相古寺詠虞美人花和壁間韻

虞兮一死報君王
薤碧難尋古戰場
英魄至今畱下相
散花何意傷空堂
祠荒湘浦迷叢竹
寺訪靈巖斷采香
悟到興亡都是幻
漢宮秋色滿斜陽

椒畦過訪對榻半月別後卻寄

小別如何也黯然
引將歸夢過江船
六年聚散萍蓬迹
半月畱筆墨緣名士
從來同畫餅
故人相遇便分甌
可能萼菜橋頭住
秋雨秋風對榻眠

大滌山房詩錄卷一

三

大滌山房詩錄卷一終

蘇州青霞齋
大滌山房詩錄卷一終

